

GARO Heart Book

MANDENI KATONG



COPYRIGHT

ISBN 0 - 947052 - 35 - 6

E-MAIL: info@angp.co.za

**ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.**

(A Gospel Literature Mission financed by donations)
(Reg. No. 1961/001798/08)

MANDENI KATONG

(The Heart of Man - Garo)

ISOLNI TOROM NOKDRING ONGJA OBA DIABOLNI NOKDRING (ONGA). Poraebo – 1 Johan 3:4-10.

Na a ia kitapko poraeon, bimangtango nikipa janeragita onga ine nikgen. Na ara songsarekma na saksakristianma, be`be raenggipama na katpilangenggipama, na`a antango ui`gen, aro Isol nangni ka`tongko nika. "Mande apalni nik`aniko ni`a, indiba Jihopa ka`tongko ni`a." (1 Sam. 16:7).

Satan pillak tol`arangni pagipa ong a. Ua andalan raja aro ia agilsakni isol (jeko manderanga mit`e ine intoka), ua antangan manderango tolmikna ine seng`ani sa`gre ine bimang dakjea. Skangni cha`songo, tol`e watatarang dakgipa aro chipile kam ka`giparang Kristoni Watatarang ine antangtango dakmik`aha. Ian ai`ao inmanani ongja, maina satan antangsa sengani sagre dake dakje`a (2 Kor. 11:13,14). Satan ia agilsakni mite (satan) manderangni mikron aro gisikko kana ongata, jedakode Isol uamaangna kasa`a, ba Jisu uama`angna sichakaha ine masijawa. Pillak papirang ba beberagijagiparang Isolna sigimin aro kana onga, maina, uama ang satanni sasonni ning`o ong`a

DOWNLOAD BOOKLETS: www.angp-hb.co.za

ORDER FREE LITERATURE: info@angp.co.za

(Eph. 2:2). Uama'angni mikron oako manja'ode gimagimin ong'e jringjrotni sasiona re'anga. "Ango pap gri" ingipa antangan tol'gipa dak'a. "Maina ianigimanan Isolni Depanteko parape'ataha, jedakode diabolni kamrangko gima'atna mangel." (Johan 3:8). "Nasimang Isolna antangtango bammatbo, Diabolko warachakbo uon nangoni ua katgen. Isolni sepango ongbo, unon ua nasimangni sepanggen." (Jakob 4:7,8).

Na'a ia kitapko poraeon aro noksarangko nion, na'a an'tangni ka'tongko nikgen. Nangni katongni kamko mesokna Isolni seng'aniko gapatbo. Na'a nangni papko ma'sibo aro papko jenabe, maina Isol aganna. "Chinga pap kakuja ine anching inode, uko tol'gipa daka aro bebe anchingo dongja. Ua Bebegipa ong'a aro anchingni pillak paprangoniko anchingko rongtalata." (1 Johan 1:1-10).

Na'a satani ongjaoba Isolni sason ka'ako man'a, na'a papni ongjaoba Isolni nokkol onga. Nangni janggi tanganio pap sason ka'engon jenabe, batesa Isolo grapbo. Ua, anchingni pap aro satanni bilko pegale agilsakona papirangko jokatna rebagipa Jisu Kristochi nangko jakgitel ongatgen. Uan anchingni piokani (ong'a). Na'a Isolni mikkango ong'a. Jean donnuarangko, chachipilaniragko nik'a; iako, jean kala knajachina aro jean kana nikjachina.

"Maina antangchina ka'tong kaketgipa manderangni a'sel antangko bilraka ine mesokna, Jihovani mikronrang a'gilsakgimiko niruraa." (2 Serikani 16:9).

"Uni mikronrang sakantini re'anirango ong'a, aro Ua uni pillak jakurangko nika, Namgijako dakgip'arang donnuna mannagita andalani aro siani jagring gri." (Job 34:21,22).


"Indiba Jisu uama'angna antangko onna kadongjajok, maina Ua darang mandekon ui'achim." (Johan 2:24).

Unigimin "ansenga ua mande, jeni niam pe'arangko wataha, jeni papko pindapaha. Ansenga ua mande, jena Jihova namgijako potja aro jeni gisiko mamung tolnapani dongja." (Git 31:1,2 – aro Git 51 –koba poraebo). Jisu da'aloba okamku enga: "Pillak gamgipa aro bal jringgiparang angona re'babo, anga nasimangko nengkatatgen." (Mati 11:28-30).

1. PAPINI KA'TONG

Ia noksa'o agilsakni ka'tongko mesoka, atchitaegijagipame'a ba mechik, jeko sastroo papi ine talata; chongmotan jean ia agilsakni gisikni aro be'enni ska ba bilni ning o ong'a. Ia noksara Isolni anchingni ka'tongko jekae nika uan bebe ong a. Toe Skia 23:29-33: talatanigita dimelgip'a, mikron ronggitchakgiparanga chu ringgiparang ong'a. "Sao grapani gngang, sao kalimani? Sao jegrikani, sao matnangani? Sao a'sel gri mat'a bu'ani gngang? Sao mikron dimelani gngang? Chuna sengtimgiparangosa; bringimin ringaniko ringe nina re'anggiparingosa. Chu gitckhakon, rangkareo ua chingcheton, ua riunokbalbal napangon uko ninabe. Jaman kitiko ua chipugita sua, aro chikilgita chik a. Nangni mikronrang dari mechikrangko ni'amgen, aro nangni ka'tong jechakanirangko agangen."

Kama'o ia mandeni ka'tongni noksa'o sko gngang – uo rokomrokom matburunrang ngang, jean mandeni ka'tongo rokomrokom papranko mesoka, ian ka'tongo dingtangdingtang paprang donganiko aganna.



Isol Uni katchinikgipa Jeremiachi aganna. “Ka’tong pillakna bate tolpinnikgipa, aro nampilatna mangijagipa ong’a. Sawa uko ui’na mangan? (Jeremia 17:9). Maina Jisu antangan iako agane mangrakata, “Maina ningoni, manderangni ka’tongoni, namgija chanchi’arang, tilekarang, cha’uarang, mande so’otarang, mikbokarang, namgijarang, tolnapa, gang a miknenga, kalstapa, gaorade-a, selgija, iarang onkkata. Ia pillak namgijarang ningoni onkate mandeko marang nangata.” (Mark 7:21-23).

1. DODE BIPA, jani nitoani mandeni ka’tongo ga’ora de’ani papko mesoka. Lusipar, nonggimin sagre, ua skangode Isolni seng’ani sagre ongachim, gaora dakachi ga’ake Isolni bobil ongaha—ua Diabol (Isaea 49:9-17; Ezek. 28:12-17).

Ga’ora de’ania norokni a’kol ningtu’a manchaonin ongba a. Mittam manderang antangtangni gamo, lekka porani gadango, se’enchipchip ganna chinnanio, illuru’anio, nitogipa jasangrangko gannania ga’ora de’a, ianigimin Isaea 3:17-24 ona talata Mittam manderang uama’angni manrikani bidingo, jato, dakbewalo, sport ba kal’anirango gaora de’a – ian “Isol gaoradegiparangko champeng’a, indiba ongiparangna kasa’ako on’a,” ine 1 Pitor 5:5 seani kattarangko guala. Isol ga’ora de’ani aro antangko dalnikaniko mitchi’a (Toe skia 8:13). Gaora de’ania gima’aona ba gangbingani gisika ga akaona re’anga. (Toe skia 16:18).

2. DOBOK BIPA, iachi be enni skani, cholon namgijani, tilek-anchaani gnangipa katongko mesoka. Bilsi 2000 mang re’angnasiaha, Jisu agansoa je Sodom aro Gomoragita gimagen. Ia pap skangni salrangona bat’e da’o jelbata, aro toromigiparangni manderangni gittim ba songrang aro kamrang, skulrang aro hostelrangko donna, indiba rusigipa bitchilchi kratchabe’e mesoka aro namgija

chachipilgipa satanni kamrang jekae sinema, gahon (serejing gahon, sonajing, kattabala, aro gipin gahonrang), aro kragija seajot anirangehi mandeni katongko namgija ongata, jeko ia chasongni rokomsa pap ine Isol aganna. Hajalni hajal pante-metrang cinemao napanichi, banae se a golporangehi (aro gipin gipin kragija kamrangchi) namgipa janggi tangani gadangko dakna chanchia, indiba uranga jringjrotni duk, kratcha ani aro skimanionasa dilanga. Actoirang aro actressrang kadonggiparang ongbaa, indiba namgijana maina uama`angni chrokram hall namgijako dakram hall ong`a. Isolni rongtalanini kadonggipa, jekae Joshep (Aba 39) aro gipinrang jerangko toani dongja. Zulu songsarek, uan tilekgipa me a ba mechikko sianiona aro anchingko bichalo gimagniona galonna chadenggen. Isol anchingko tilekaoni katchina mikrakata. "Tilekaoni katbo. Mandeni dak`a pillak paprang be-enni apalo onga; indiba tilekgipa antang be-enni kosako pap daka." (1 Kor. 6:18,19). "Saoba Isolni torom nokdringko gimatode, Isol uko gima`atgen; maina Isolni torom nokdring rongtala ong`a, aro nasimang uan ong`a." (1 Kor 3:17).

3. WAK, iachi ringrakgipa aro chabetbonggipani katongko mesoka. Ian rongtalgijagipa matburung ong a, ua rongtalgipa cha`ani ongbo ongjabo jekoba chabolbolaea, iagita papini ka`tongara namgija naatani, namgija agannani, namgija bimangrang, namgija se ajot`anirang aro uandake pillak namgija papni kamrangko altoae rachaka. Bimang, Tanggipa Isolni torom nokdringko namgija cha`ani rangchi, namgija bewalrangchi jedake tamaku ringa ba chobaea, kani jakkalani aro kenbegnigipa bisi ong gipa samrangko jakkalanichi moel`a ongata. Tamaku ringani ba kani jakkalani bewala mandeko namgijaona dila. Isolni Bil iarangoniko aro diabolni nokkol ong`aoniko jakgitel ongatna ama. Toromna gisiko nangmanchagipa gilja nokrango sada ringua pajawa, maina iachi marang nangata ine chanchie dakna sigijani gngangata; ia seng`ani biba jean Isolni torom nokdring ong`a, chongmotan uama`angni be`enrang. "Nasimang u`ijama," ine watata Paul aganna, "Je nasimang Gisik Rongtalgipani torom nokdringko gima`atode Isol uko gimaatgen." (1 Kor. 3:16,17; 6:18,19).

Chabetbonggipa mandea Isoni nika`o mitchiani ong`a. Anchinga tangna cha`a; chana tangja. Okkrianiko su`ugipa, to`gipa cha`anirangchi okkaatna man`a, indiba mikbokaniko chuongatna amja, ua pangnan ina, 'Onbo, onbo!'

Mikbokani pangnaba chuongnikja aro be`ekja, Gitcham sastroo cha`betbonggipa aro pekrakgipa mandeko ro`ongchi gotate siata (Deut. 21:18-21). "Chabetbonggipa aro chupekrakgipa cha`a sigen; aro tusidimuara mandeko ba`rasuri gannatgen. Niamko rakkigipa masigipa depante ong a; indiba rusigiparang baksa rorimgipa antang pagip a ko kratcha`ata." (Toe Skia 23:21; 28:7). Gisik je badiaba saksa man`e cha`gipa, chabetbonggipa aro mikbokrakgipa, sia aro noroko ua agansokgijagipa dukni wario uni mikrou nichaogen. Isol rongtalbee agannaha, je pekrakgipa Salgini Songnokko manrikgen ia ongja. Chu cha`ani ongja sianina ringanisa ongja, je gisiko bingbangata aro duk ongata, jedakode jara ba gok`a ongpile ringgenchim. Maina "Chu kadingstekgipa, aro pekgipani ringani aganwatwatgipa, aro uchi pekatako mangipa pillakan gisik gnganggipa ongja." (Toe skia 20:1).

Jerangan chu song a aro pala pillakan Isolni nika`o pap ong a, maina Isol aganna. "Draka bitchiko ringna bilakgipa aro chu brinnatna bil gnganggiparangna ai`ao." (Isaea 5:26). "Antangni songsulna chu kangipana, aro bisiko ondape uko pekatgipana ai`ao." (Habakuk 2:15). "Knal aro tobla, aro bangsi aro draka bitchi uama`angni alanirango donga; indiba uama`ang Jehovani kamko mitchi`a." (Isaea 5:12). "Tillekgiparang ba mite dakaniko olakkigiparang, cha`ugiparang, ba mikbokgiparang, ba pekgiparang, ba saegiparang, ba chabokgiparang Isolni Songnokko manrikjava." (1 Kor. 6:9,10). Agilsako ongtelgipa anchingni paprang ai`ao inmanbeani ong a. Uaranga mit`e mani`ani, montol dak`ani bebe ong gijani, rongtalgijani, nitogijani, bheleki dakani, jegrikani, dakgrikani, mikbokani, ka`o nanganiko ongkatatani, bobil dakani, meli-nangrimgrikijani, mamal ek`ani, mikbuani, chu ringani, cha`eringe chokmesaani aro uandake. Indaka namgijagipa kamrang gnganggipa mande Isolni songnoko bi`ap

manjawa (Gal. 5:19-21). Draka bitchichi peknabe, maina uano duga namgija gngang, indiba Rongtalgipa Gisikchi gapa ongbo.” (Eph. 5:18).

Jisu ringna sikgiparango indake okama: “Saoba ringna skode ua angona rebae ringechina, Uni okningoni tanggipa chini chibimarang jokgen.” (Johan 7:37,38). “O, ringna sikgipa sakantin, chiringona nasimang rebabo, aro tangka grigipa, rebabo; nasimang bree chabo: o’e, rebabo; tangkagri cha’aniko, aro damgri draka bitchi aro matchu sokko brebo.” (Isaea 5:1). “Je chiko anga una ongen, ua uni ningo jringjrotni janggiona nae chimik dilsa ongen.” (Johan 5:14).

4. KISING, ian mandeo aratani ba letra ongrani, ru-utani aro montol dakani papko mesoka. Beberagijania montol dakani papmu apsan onga. “Aratgipani ska antangko soota, maina uni jakrang kam kana jechaka. Salgimikan uo man’a sikbeani, indiba kakketgipa ongen, aro manrikjawa.” (Toe Skia 21:25,26). Joshua Israelni dedrangna aganaha, “Asongko manrikna aratnabe.” Mandeni ongtelania Isolni kamrangko man’a namen letra ba aratianan ong’a. Jisu aganna, “Apchona cholgugako napna tikelbo.” (Luk 13:24). “Am’gipa nika.” “Salgini songnoko napdraenga, aro napdragiparang uko rim’a.” (Mati 11:12).

Anchingni janggi jokani aro gisikni kamna aratania gimaaniona dila. Ian anchingko bi’aoniko aro Isol ningtugipa kamrangko amaoniko Isolni ai’ao in mangipa kurachakaoniko rakirikania rusiaona dila. Isolni nangko antangna nangni gisik ka’tong gimikko da’alo onkangchina aganon satan knalo ba somoe jokkalo ba somoe subita ong’o onbo ine aganna, indiba gisik ra na je knal sotmes’al anchingna ongjawaha, uon Kristoo onggiya ba jokani cholgri sianisan ongaegen. Isol aganna, “Da’alo nasimang Uni kurangko kna ode ka’tongtangtango rikatnabe.” (Ibri. 3:7,8). Badita manderang rebajanagipa sal knalna jokaniko gale gimaatgen? Knalni sala nasimangni ongja.

Kisingni bikingko ojarang pangnan Isolo bebe ong’a nival peleki ba montol jarina aro jakpa nie aganna jakkalronga. Mongsongbate joton ka’ani ba saanio, duknisalo aro gimaanio anchingko tanggipa Isolko amchina geeta, jean dakchakna tarie donga, indide nama namgija rasongo pangchaknabe; maina “Mandeni re’anirang Jihovani mangrakatako man’a.” (Git 37:23). “Nasimangni gisepo saoba saengama? Ua mondolini meaparango okamchina; aro uama’ang Gitelni bimungo t’o nonge uni kosako bichina; aro bebaani bi’ani sagipako jokatgen aro Gitel uko chakatatgen; aro ua paprangko dakmannahaoba uko watgen. Unigimin paptangtango kurachakgrikbo, aro saksa sakgipinna bigrikbo, maikai nasimang ansenggen.” (Jakob 5:14-16). “Maina salaramoni, ba saliramoni, aroba salgipenoniba de’ani dongja. Indiba Isolan bichal kagipaonga.” (Git 75:6,7). Isol Israel manderangna indine aganna, “Antangni depante ba antangni demitchikko wa alko repretatgipa, ba katchi nik’a daggipa, jarigipa, ba sima nigipa, ba nie ui’a daggipa, ba mikmalatgipa, ba memang muni pigipa, ba montol daggipa, ba katchi mangipa nasimangni gisepo dongna nangja. Maina uarangko daggipa pillakan Jihovana mitchiani ong’a.” (Deut. 18:10-12). “Isolni songnokni apalo achakrang, aro montol daggiparang, aro tilekgiparang, aro mande sootgiparang, aro mite dakaniko olakkigiparang, aro tol’ako pillak namnikgiparang aro daggiparang.” (Para. 22:15). “Memang muni pigiparang aro montol daggiparangchina nasimang anpilnabe, uama’angchi ongsiatoko mannagita uama’angko amnabe; angan Jihova nasimangni Isol ong’a.” (Levi 19:31). “Aro doo chongipagita mikogipa aro aganmitugipa, memang muni pigiparangko aro montol daggiparangko ambo ine uama’ang nasimangna aganoa, indine aganchakbo, ‘manderang antangtangni Isolko amna nangjama?’ ‘janggi tandgenggiparangna sigiminrangko amna nangama?’ Niam aro sakichina hai ! ia kattagita uamaang aganode, beben uama’angna mamung sengbaa dongja.” (Isaea 8:19,20).

Na’a ia chongipa ki’tapko poraengon, Isol nangna aganenga aro paponiko gisik pil’e nangni janggiko una onkangchina okamenga chanchibo, indiba kisingni gisik, jean nangni ka tongo gngang ua nangni Isolna pillak miksonganirango bonchongdikate janggina kenbegniko raba’a. Anga chongmotgipa kristian ongode, manderanga angko badine ingen, ripeng? Anga chokmesa’ao, maiba dolrango ba

tamasa, ba gahon, ba sinema, ba uaranggita a'gilsakni katchaanirango bak manpajaode mai' a'sel onngen? Kristoo tosokpilgijagipa gamrang, aiao in mangipa tomtomani, agansokpilgijagipa katchaani, Uni rasong aro jringjirotni janggiko gale siani bilgnanggipana kene Kristoko uni katongo napaton batesa gelna nanggipa kamrangchina pilskaa. Kristo sianina kennanio nokkol ita mangiparango jokatokna rebaha. (Ibri 2:14,15). Ru'uta ba su'utani gisika nangni katongko kisingni biking rakagita rakata.

5. MATCHAPENG, ian namen kenbegnigipa aro kanamgijagipa matburung onga. Mitchiani, ka'o nangani aro namgija bewalrang pangnan mandeni ka'tongko namgija ongata, aro sootania ba sianiona dilronga. Nangni namgija bewalko jensalo kenbegniona dile sokahaosa, na'a ua namgija bewalko galna joton ka'e mannaba ghang. Iaro angui ka'tongan ine kurachake nangko jokatchina Kristoo bibo. "Nangni mikron ka'o nangani dongjachina." (Aba. 45:5). "Ka'o nangako dondikbo, aro ka a gapako watgalbo, antangko jajrengatnabe uan namgija dakaonasa ongaegen." (Git. 37:8). "Katchara kasaninggijani, aro ka'o nangara mripani, indiba amitani mikkango sawa chadengna ama?" (Toe Skia 27:4). "Na'a gisiko ka'a nangningnabe, maina ka'o nanga gisik senggijagiparangi kabako dongkama." (Agan. 7:9; 11:10). "Ka'onanga, ka'agapa, miknenga, kalstapa, nasimangni kusikoniko chelatbo." (Kol. 3:8).

Bang'a ka'pong rang antangtango mitam namgija kamrangko kana aro jakpilnagita kadongatna ine chu ringronga indiba "uamaangni draka (ba chu) bitchi chipurangni bisi aro chipugamrangni saknaatgipa bisi." (Deut. 32:33). Jakpikpilania papirangni namgipa kam onga, indiba Isol anchingko sasti onskagipa onngen. Jisu aganna. "Nangni songsulna antangnagita kasabo" aro "Nangni bobilna kasabo." Isol anchingko niam pe'aragoniko kema kagen ine ku'chaka. Ka'o nangchipilani, aro mitumita bolbolgipa gisikrangba apsan Isolni mitchiani ong'a. Namgijania mandeni ka'tongo dakgrikani aro anchi ong'aniona ong'a, aro uani gimin chongmotgipa tomtomaniona mandeni katongko donbo, ian baegipa ong'a.

6. CHIP'U, ia matburung Eden barioniko Hobako togiaha aro Isol baksa namgipa nangrim-meligrikaniko gimaataha. Satan, ga'akgimin sagre, Adam aro Hobana mikbue rebaaha, uama'anga agilsakko sason kagiparang onga aro antangko Lusipar inskae Isol baksa kakket nangrim aoniko chelataha. Mikbue satan uamaangna (Adam aro Hobana) gimaaniko aro aja'o in mangipa Isol baksa nangrimani aro janggi tanganiko gimaatanio chusokaha. Ua apsan diabolni mikbuani aro mikron dal'aniana mandeni ka'tongo apsan ua ka'tongni katchaaniko sakgipinni katchae aro dongtoe donganiko nikon gimaata. "Mikron dal'ara a'ninggita kasaninggijagipa ong'a." (Solomoni R. Git 8:6). Ian namgijagipa chanchianirango ka'tongona rabae gipinrangni katchaaniko rusia, aro siaonaba dil'a. Ian janggi tanganio agansokpilgijagipa saknabe'ani, duk ongbeani aro mitchianiko gapata. Kristian kam kagiparang, skiprakgiparang aro mondolini aba'o kam ka'giparangmangba ia a'seloni jokja, uon gipinrangko Isol antangni nokkolrang ongatska'a. Uama'ang pangnan nitimanio "Isolni kasaa jean anchingni ka'tongo Rongtalgipa Gisikni pipraachi gapata" ongjaode uama'ang Isolna jakkaltoani aro uama'angni mondolini a'ba'o kam ka'aniranga diabolni mikbuani gisikchi nosto ka'ako ba rusiako man'a.

7. DIPILOK, ian a'ao janggi tanga. Iano mikbokani aro pillak namgijani jadil onggipa tangkana kasaani paprangko mesoka (1 Tim. 8:10). Kongo donggipa mittam dippillokrang ok bretpile cha'e si'a. Mikbugipa mande kangal cha'asigiparango dakchakna namnikja, batesa bang'a cholrangchi, kakket ong'a aro onggijachi, jeko maram aro joong cha'e bonnatgenchim agilsakni gamrangko chimonge man'e chabatnaska. Jisu Antangan agannaha, "Nasimang agilsako antangtangna gam chimongnabe, jeo joong aro maram gimaata, aro jeo cha'ugiparang choponge chau'a. Indiba salgio antangtangna

gam chimongbo, jeo joong aro maram gimaatja, aro jeo chaugiparang choponge chauja. Maina jeo nangni gam, uon nangni ka'tongba onngen." (Mati 6:19-21). Akan aro nokgimik sona aro tangkana, gamchatgipa ro'ong aro gandingna kasae (ba mikboke) gimaaha (Joshua 7). Judas Iskariot, Jisuni sninggipa tangkana kasae antangni Gitel aro Nokgipako bobilni jako (tangka kolattchina) on'e antangan kae siaha. Tangkana kasaania indake siaona dil'a, maina ian namgijani jadir on'ga.

Hajalni hajal dolrang ba jatrangni me'a aro mechikrang antangtangni aro nokdangni janggi tanganike namgijachi chuanina joa kalanirangchi rangsan man'e cha'anina aro gure aro achakrangchi susae banga tangkarangko manna sike rusigalenga. Duk aro neng'agri man'e chana sikania chauaniona aro mande sootaniona aro antangtangko sootaonaba dila. Tangkana kasaani aro mikbokania antangko mingsing minggamatna aro bilrakate sakgipinrangni kosako sason kana, kangalrangko kalstapna, toromo ba mondolioba antangko chubate mesokani, mondolio onggija rongtalgiparangko soote Kristoko jarika dakani (Mark 9:38). Jisu agana, "Mikrakbo, aro pillak mikbokaoniko antangko rakibo; maina manderangni gam suakoba uni janggi uni gnangao dongja." (Luk 12:15). Goka mandeni katta indake on'ga, "Badiaba mane chagipani a'ao chabeaha. Unon ua gisiktango chanchie inaha, maikagen, maina ia angni biterangko chimongna ango biap gri? Unon ua inaha, lako dakgen, angni jamrangko rue, dalbate rikgen; aro uano angni pillak mirangko aro gamrangko chimongtokgen. Aro anga janggitangko ingen. O janggi, bilsa bangana gam bange nangna donna gnang; nengtakbo, cha'bo, ringbo, katchabo. Indiba Isol una innaha, O gok'a, da'awalo nanganiko nangni janggiko dabigen; unon ia donsogiminrang sani onngen? Uagitan Isolo man'e cha'gipa onggija antangnasa gam chimonggipa." (Luk 12:16-21). "Maina mande agilsakgimikon man'oba, antang janggiko gimaatode, ua mai biteko manpitti?" (Mark 8:36). "Maiko cha'gen ine janggina, aro maiko gangen chingen ine beentangna sintenabe... Indiba nasimang uni songnokko ambo, uon iarangko nasimangna ondapgen... Maina nasimangni donsoani biapo nasimangni gisikba onngen." (Luk 12:22-34).

8. SATAN, ua pillak tol'arangni pagipa on'ga aro tol'ania bang'a paprangna didigipa on'ga, aro ka'tongko sason ka'a. Jisu agana, "Nasimang nasimangni pagipa diabolni on'ga, aro nasimangni pagipani mikbokanirangchi nasimang dak'a. Ua chengonin sootgipa, aro bebeo donggijagipa, maina uo bebegrichim. Ua tol'e aganon, ua antanganiko agana: maina ua tol'gipa aro unin (tol'ani) pagipa on'ga." (Johan 8:14). Chonbe'a tol'ania dal'bea tol'animu apan on'ga, maina pap chonna aro dal'a dongja. Cha'chipilgipa, uo dongjaoba dongagita tol'mikachi togia. Isol tol'na ambijagipa, aro uandake kristianrangba ongnananga. (Titus 1:2). "Chinga Unbaksa bak manpara ine anching inneba andalao reruraode, anching tol'a, aro bebeko dakja." (1 Johan 1:6). "Apalo achakrang, aro montol dakgiparang, aro tilekgiparang, aro mande sootgiparang, aro mite dakaniko olakkigiparang, aro tol'ako pillak namnikgipa aro dakgiparang." (Para. 22:15). Bebegijako agangipa, tol'gipa sakiko Isol mitchia. (Toe Skia 6:19).

9. ASKI, ian mande sakantini ka'tongo nama aro namgijani gisik donganiko mesoka. Iano marang nangatani aro namgijanichi jring bajrot papna kapakani ba dakanichi siani onga; kana ongata aro choletata, jedakode kamtangehi bichal ongchajawa. Namgijani gisika basakobasan tomtome donga, basakoba dukko ongata. Bebe onga'oni mande chelahaon dinggipa gosurachi kamsrake ui'anirangko gimaata. Aro brangatgipa gisikrangna aro korerangni ski'anirangna gisik on'e, gisik tangtango kamatani dakko mangip'a tolgiparangni chachipilachi saoba saoba bebera'ako watanggen. (1 Tim 4:1,2; Ibri 10:22).

10. Isolni MIKRON, ka'tongo pillak chanchianirangko nik'a.

Uni walsareni mikrononi mamungkoba donnuna manja, Ua nangni ka'tongni chanchichipilanirang aro miksongchipilanirango pillakon nika aro masi'a. Nangni namgija kamrangko na'a andalbegipa walo, dikbegipa burungo, tubegipa chiakol ba aningo ba jeoba donnubo, Isol uarango niktoka.

11. CHONCHONGIPA WALSARERANG, jerangan mandeni ka'tongo dongdulenga, uaranga Isolni ka'saadulaniko mesoka. Isol papko mitchioba ua mandena kasa'a aro papiko siaona galna sikja, indiba ua gisikpil'e dongn'a nanga. Jisu papirango jokatna rebaaha. Papi saksani gisik pilanina salgio dalbea katchaani gnang. Ua walsareranga minggipin Jisu Kristoni anchikoba mangsonga, "Ua Isolni mes bi'sa agilsakni paprangko ra'anggipa."

12. SAGRE, Isolni (Nama) kat'ani chinko mesoka. Papni ning'o ongenggipa manderangna Isol aganna ska, je uama'ang gisik pil'e kasa'ani aro seng'ani uni ka'tongo gapchina.

13. PAROA, ian Rongtalgipa Gisik, Bebeni Gisik jean papni dosko gimaata, bebe ong'ani ara bichalni chinko mesoka. Ia pap gnanggipa mandeni ka'tongo dongna amja.

Ia noksa'o mesokanigita nangni ka'tong ongama? Gitelo grapbo, Nangni ka'tongko Una obo, Uni kattani tengsuachi jasengatbo. "Gitel Jisuo bebe ra'bo uon na'a jokatako man'gen." Isol namnikenga, o'e, nangni ka'tongko gital gisik gnanggipa ka'tongona donsreskana kurachakaha. Iako gnigipa noksao toe mesokenga.

2. PAPKO KURACHAKGIPA ARO ONKANGGIPA KA'TONG



la noksara Isolko am'e gisik pilgipani ka'tongko mesoka. Sagre tonualko de'enga, uan Isolni Kat'a jean "Isolni Kat'a tanga, bimchip'a, matsamgnigipa tonualna bate matbata, janggi aro gisikko, aro biritchu aro giuko dingtangataonakingking supua, aro ka'tongni chanchia aro mangsongako ui'ninga." (Ibri 4:12). Isolni Katta uko indake gisik raata je, "Papni dormahara sia ong'a," aro "changsa sichina aro unijamano bichalko" donmanaha (Ibri 9:27). Indake papirangko wa'alni chankolo wa'alni gondok kamgen.

Jaksamsachi sagre skobikrokko ra'enga. Iachi papirang changsao sigen ine parakenga. Anchingni been bikap jeko anching nitoatna ganat chinata, okaatna chaat-ringata, aro pillak simsakaniko on'e aro mikbokani ba manna skaniko chusokate kasaachim uan sianiona, gope galaona onge kinmarang cha'e.


Bonnatgen indiba janggi silchi jringjrotna donge bonkaman salo Isolni bichalna chakatani ongen.

Iano Isolni Kat'arangna papini gisiko nangna abachenganiko Isolni kasaana uni ka'tongko o'aniko nik'a. Rongtalgipa Gisik ua andalgipa papini ka'tongo tengsuna a'bacheng'a. Isoloni tenga rebaon andalgipa gima'a. Pap, jean rokom rokom matburunrangni bimangchi mesoka, uarang katdangtokenga. Kasara iako poraegiparang, Jisu, Agilsakni seng'ako, nangni ka'tongo napna onbo, uon andala aro andalani kamrang nangni ka'tongo dongjawa. Jisu agana, "Angan Agilsakni seng'a; angko jarikgipa andalao rerurajawa, indiba janggini seng'ako mangen." (Johan 8:12). Na'a nangni tikelanichi, nangni ui'anichi, ba manderangni changa sapachi nangni ka'tongoniko andalaniko chelatna amjawa. Altuabatsranggipa chol Jisu, senga'osan onga, uko rimnapbo uon andala, jean pap ongachim, chelanggen. Japong aro askirang walo adita dakchakaniko on'a indiba sal nabahaon andalanirang aro chonchonggipa teng'anirang gimaa. Jisu Jerusalem gilja noko napon, ua pillak palgipa, matchu, mes aro paroarangko rikbrangaha, aro tangka sregiparangko bikpilataha aro ua aganaha, "Sea gngang, Apani Nokko bi'ani nok minggen, indiba nasimang uko dokprete ragiparangni akolsa dakaha." (Mati 21:13). Nangni ka'tong Isolni nokdring ong'a, ua uo dongkamna ska, nitoatnaska, teng'aniko ongatna ska aro kusi aro katchaanikoba. Jisu anchingko papni nokkol ong'aoniko dilongkate jakgitel ongatna rebaaha. "Depante jringjrotna donga; unigimin Depante nasimangko jakgitel ongatobe, nasimang jakgitel chongmot ongen." (Johan 8:36).

DOWNLOAD BOOKLETS: www.angp-hb.co.za

ORDER FREE LITERATURE: info@angp.co.za

3. GISIK PILGIP'ANI KA'TONG



la noksaogisik pilgipa bebegipa mandeni ka'tongko mesoka. Jisu jena chisolosichakaha antangni paptangni dalbeani aro duk ongbeaniko masia. Ua chisolko nie je sagra Isolni kat'a una parapeaha, uni duk ongkipa ka'tong be'a aro uni paprangni duk aro saknaaniko da'o masi'a. Kristoo parapegimin Isolni kasasuakaniko nike, ia kasaanichi uni ka'tongko nomata, mongsongde Jisu Kristo Isolni Depante uni bang'a paprangko ra'angna rebaaha ine, aro unipal ua saongimin bolo sina ska ine ui'a.

Chongmot ong'ani je Jisu betsmitchi dokako man'aha, busuni mukutko stikataha, kasaninggija uni ja'a aro jakrango gojalchi dataha aro indake ua anchingni paprangni gimin chisolosichakaha. Ian rongtalbee gisik.

Pilgipani ka'tong aro janggi dingtangrang aniko mesoka. Ainaogita antangko nikgipa Isolni Kattako poraeon badita uni geetanirangko pe'e Isoloni chel'anga uko ui' batroroa.

Isolni kasaa aro tomtomani uni ka'tongo nap'a, je "Isolni Depante Jisu Kristoni anchi paprangoniko anchingko rongtalata." (1 Johan 1:7). "Jehova, be'tonggimin ka'tong gngangiparangni sepango donga, aro bnekgimin gisik gngangiparangko jokata." (Git. 34:18). Aroba Isolni kat'ao paraka, "Anga ia mandechiko nigen, chongmotan ongipa aro gisik bnekgipa, aro angni kat'ana til'tilgipachiko." (Isaea 66:2). Rongtalgipa Gisik Kristoni katarangko agana, "Depante (demitchik), katchabo; nangni paprangko kema ka'aha." Ua chisolchi aro Jisuni anchi jean chisolong'aha ine ui'e, uarangko angna dakaha ine bebera'on papni balrangko ra'angaha ine ua uina abachenggen maina Jisu anchingni dukrangko ra'angaha; je "Anchingni niam pe anirangna mat'a bu'ako man'aha, anchingni namgija dakanirangna ua bnekako man'aha;" je "Jihova anching pillakni namgijaniko uni kosako gataha." (Isaea 53).

Rongtalgipa Gisik aro Isolni kasa'a ka'tongko rongtalata. Bebechi chisolko aro Jisuko nion ua uni papko kema kaaha ine aro Isolni Depante Jisu Kristoni anchichi paprangko rongtalata ine kadonge nikgen. Anching masiaha je Jisuo beberagipa gimagija jringjrotni janggiko mangen. (Johan 3:16). Maina anchinga Jisuo; Uni kasaani gamchatanigita uni anchichi anchingni namgija dakanisang ko watako man'e piokgimin onga (Eph. 1:7). Papigipa da'o beenna skaniranga ningtuen Isolo dongkamna

aro una dangdike on'a onkanga maina "Uan a'nchingna kasachengaha." A'gilsak aro a'gilsakni kamrangna kasaanipal ua da'a Isolna aro Uni kamrangna kasaskaha.


Uanigimin ia noksa matburunrangni bimangrangchi mesokgipa paprangni chinrang uni ka'tongni apalo ongtokaha, Satan antangni dongram ua papini ka'tongko watna sikjabeoba, changsao naptaina mangan ine ka'donge nipile katangenga. Unigimin Jisu satanko pangnan anchingko warachakchina mikrakata jedakode ua anchingona rebataejawa.

4. KRISTO BAKSA DATKAPAKO MAN'ANI

Ia noksa saksa kristian jean anchingni Gitel. Jokatgipa Jisu Kristoni boli onchakanichi chongmotgipa tomtom'ani aro piokaniko mangipa mandeni ka'tongko mesoka; aro uanigimin "Getil Jisu Kristoo ongjaode angni rasong chaa ongjachina; uachin anga a'gilsakna chisololo datkapaha." (Gal. 6:14). Jisu chisololo siaha, jedakode anchingba "paprangna sienba toromna tangna mangan." (1 Pitor 2:24); saksa kristian agilsakna datkapako man'aha. Anchinga iana geetako man'a, "Gisiko rerurabo, unode nasimang be'enni skako chusokatjawa." (Gal. 5:16,25).

Krong, jeo Gitel Jisuko Uni cholarangko kikmano kaachim, ia noksa jechi uko dokaha, sabuk aro betsmikoba mesoka. Ua anchingni paprangna betsmitchi dokako man'aha, maina, "anchingni tomtom ongnina Uni kosako doke skiani onga. "Herod aro uni manderang uko kadingstekaha aro betsmitchi dokmanoa busuni mukutko uni skoo stikataha—ian sonani mukutko stikanipal busuni mukutko aro rajani goldikni pal tiluko Uni jako on'e "Salam, Jihudirangni Raja" ine Uko chonnike kadingstekaha. Uama'ang uko chonnike studapaha aro Uoni tiluko ra'e uni skoo dokaha. Indake uko kalstapani jamano datkapna rimangaha. Bang'a Kristian dakgiparang gilja nokrango bi'a, Gitelni meattamko chapa'a, Isolna mitele ringani gitrangko ringpa'a, indiba uama'angni namgija kamrang pangnan Jokatgipa Jisu Kristoko datkapa. "Angko Gitel, Gitel ingipa pillakan salgini songnoko, napna mangan ia ongja; indiba salgio donggipa angni Paani namnikako dakgipasa." (Mati 7:21-27).

Ia noksa anching Judasni tangka begkoba ni'a, jean Gitel Jisuko bobilni jako on'aha aro Uko tangka kolatchina palaha, maina tangkana kasaania uni ka'tongko ame uni gisikko kana ongataha. Lem, sillitting aro gipinranga sipaerangni walo Jisuko rimna jakkalgipa bosturang ong'a. Gutdi, jeko joa kalna jakkala, uchi sipaerang Uni ganding chindingko chiti kal'e ba joa kal'e suale ra'aha aro ian agansoa kat'a chusokaha, sea gnang, "Uamaang antangtangni gisepo angni ba'arangko suala, aro angni gan'a chinanina chiti kal'a." (Git. 22:18). Uama'ang mingmingantikong Jisuoniko ratokaha, indiba bimangkode jechaka, maina uamaang agan'a, "Chinga ia mandeni chingni kosako sason ka'aniko nangja." Ia kat'achi uamaang jegalaha.



Mande Isoloni patianiko man'a sikbe'a, indiba chongmotgip'a Isolni sason ka'anikode nangnikja. Bangana Isol dukni aro jajrengani somoirango dakchakna namnik'a.

Seluchi sipaerang Uni oksiko su'aha "aro uoni anchi aro chi soolbaha." (Johan 19:33-37). Doo gisiknaskang Pitor changgitam Jisuko jechakaha, indiba jamano Pitor grapbee gisik pil'aha. Na'a Jisuko kamchi aro kat'achi kurachakama? Ba manderangni mikkango indake dakna kratcha'ama? Jisu agana, "Manderangni mikkango angko kurachakgipa pillakon angaba salgio donggipa angni Paani mikkango kurachakgen. Indiba manderangni mikkango angko jechakgipako angaba salgio donggipa angni Paani mikkango jechakgen." (Mati 10:32,33).

Jisu iakoba agana, "Angni chisolko ra'e angni jaman repagijagipa angna kraja." (Mati 10:38).


Jisu Kristo, Rongbrakni kosako chadenggiparang ansenga.

"Jisu ching' Rongbrak ongchong,
Katnapram chasongchasong;
Un' oksikni anchichi,
Papko susranganichi.
Jokata norok' niko,
Nikata Un' rasongoko."

5. ISOLNI TOROM NOKDRING

Ia noksao Isolni kasaa suak anichi jokate papini ka'tongko rongtalaniko mangsonga. Ian Isolni chongmotgipa torom nokdring; Isolni, Pagipa. Degipa aro Gisik Rongtal gipani dongchakram ongbaha, jekae Gitel Jisu Kristo kuchaka, "Saoba angna kasaode, ua angni kat'ako manigen; Apaba una

kasagen, aro chinga uona rebae unbaksa chingni dongani biapko dakgen.” (Johan 14:23). Isol Uni Depante Jisu Kristochi, mandeko dedona, onnatna ba salonna man`a. (Luk 1:52).



Ka`tong, bebegipa Isolni torom nokdring ongbaaha. Satan, tol`arangni pagipa aro matburunrangchi mesokgipa chin pillak matburunrang kat`angtokaha, maina ia noksao anching Rongtalgipa aro Bebeni Gisik dongkamaniko anching nikska. Mitchi begipa paprangni dongram onganipal, ua ka`tong da`o nambegipa, bario bolni bite nanganigita, gisikni biterangko nangska; uaranga—kasara, katchaa, tomtoma, sontol ongani, bamani, chakchikani, namani, bebe aro kakket ongani, kragipa cholon aro uandake, jerangan mande aro Isolna namnikanirang ong`a. Ua da`o anchingni Gitel Jisu—CHONG MOTGIPA DRAK`A BUDU ni bite nanggipa cheksi ongbaaha. Indake bite nangani ara Kristo uo dongkama onga, aro Kristo` aro Uni Kat`arang uo dongkama (Johan 15:1-10). Ua da`o Rongtalgipa Gisikehi napolatako man`e, bebeni gisikan gap`e be`enni pillak skanirangni kosako sason ka`ani ba bamatani bilko man`aha. Rongtalgipa Gisikni


bilchi ua Gisiko rerurana man`aha, aro be`eni kosako am`aha. Ua antangni nik`atang, knaatang aro masiatango dongchajaha, indiba bebechi—maina. Kristo Jisuo bebe ongania a`gilsako am`ani ong`a. Ua rebapilgnigipa, anchingni Gitel Jisuna rasong chaatako man`e ka`donganichi bilrakatako man`aha. Ua uo aro jringjrotna dongkamgipa Isolni kasa`o dongkama.

“Ka`tong rongtalgiparang ansenga maina uama`ang Isolko nikgen.” (Mati 5:8). Daud raja, uni jringjrotni bobilrangko cheaha, indiba dalbatgipa gisikna ba ka`tongna dakgrikani gnang ine ua ma`sia, maina ua indine bi`aha, “Angni ning`o rongtalgipa ka`tongko ongatbo, O Isol; aro ango kimkingipa gisikko daktaebo.” (Git 51:10). Daudgita chongmotgipa gisik pilanichi Isolni mande ong`e uo gital ka`tongko onchina bijaskal darangba ka`tongko rongtalatna aro rong`talgipa ka`tongko donsrekana bil mangipa dongja. Isol gital kamko nangni janggina donsrena sikbe`a. Ua antangna dongtogipa biapko dakna nango namnikbea, maina ua indine kuchaka, “Anga nasimangni kosako rongtalgipa chiko satkikigen, aro nasimang rongtalgen, nasimangni pillak moelaoniko, aro nasimangni pillak mite dakanirangoniko, anga nasimangko rongtalatgen. GITAL KA`TONGKOBANGA NASIMANGNA ONGEN, ARO GITAL GISIKKO ANGA NASIMANGNI NINGO DONGEN, aro antangni sea niamrango nasim angko reatgen,

aro nasimang angni bichalrangko rakie, uarangko dakgen.” (Ezekiel 36:25-27). I an gital sastroo jeko Isol Uni Depante, Jisu Kristoni anchichi mohol su’achim, uako mangsonga. Ia noksa’o anching sagreni rebataeaniko nika. Jihovani sagre una kengiparangni pillakchin a’tip daka, aro uama’angko jokata (Git 91:11; Daniel 6:22; Mati 2:13; 13:39; 18:10; Wat. 5:19; 12:7-10).

Diabolkoba ia noksao nik’a. Ua ka’tongchapchap chadengenga, jean uni donggitcham biapo naptaena cholko nienga. Uanigimin anchingko mikrake bichina skia, maina anchingni “bobil diabol, randinggipa singhogita, sakoba minokna am’e reroroa.” (1 Pitor 5:8). Pangnan ua seng’ani sagre ine bimang dakjea aro ia a’gilsakni skachi brangatna ine am’a. “Unigimin Isolna bambo; diabolko champengbo, uon ua nasimangoni katgen.” (Jakob 4:7).

6. DAKMAJOAKO MANGIMINNI KA’ TONG



Ian jamanchakgipa mandeni dukni noksa ong’a. Mikron rongsa mikchipangenga maina ua uni kristian janggi tanganio sin’bae tu-idimuna abachenga, ronggipin agilsakna ka’sae kratchae mikdelbuenga.

Ningoni teng’a dimelaha aro uni ka’tongo chena Kristo baksa duk chakna tarianiko gimaataniko mesoka. Uni samtangtangchi majoanirang dongdulenga, jeko ua warachakna nangachim. Ua Isolni kurangko kuchakanipal chalakkigipa majogiparangni indin gimaegnina agannanirangko knachakskaa.

Toromni mitapo a’gilsakniko dongnue ua giljachi re’oba Isolni kasaa kasinnaha. Ua cholsamgnio nabang change dongaeaha. Ua a’gilsakna kasana abachenga, indiba Isolna kasamika daka. Nama namgijani gisiko ui’ani uni ka’tongo donggipa aski dimelaha, chisolko kusi onge rachajaha, batesa jrigipa boja ongbaskaha.

Uni bebe onganiamoringrengna abachenga aro Isol baksa bi’ao bak manpajaha aro antangni ka’tongni gimin simsakjaha uon apalo timenggipa dakmajogiparangni dongram ka’tong ongbaha. Ua agilsakni ripengrang baksa katchaaha.

Dode bipani gisika gaora deaniko mesoka. Ua haida kasaachisan jokaha ine gualahakon, ua gaora degipa kristian ongbaaha. Pekania dogacholo doktike napramko am'a. Ian haida agilsakni ripengrangoni onga, jeo ongronggijani, bilgri ongani ba nangrimani gri ine chanchina kratchanika, ian diabolni nangni gisiko mamung dongjawa ine jeko agana. Beenni chanchianirang aro akanirangko antangtangan ui'a. Haida ua kragija rekrakanirang aro kusi onge kragija bimanrangko nitaetae kachaa aro namgijagipa ripengrang, gaora dake chrokram holrang, gahon tiatarrang, iade ongtelaegipa aro uanode papgri ine satanni janapanirango katchaa.

Chongmote, namgijagipa doburunrang aro rongtalgijagipa chanchianirang anchingni gisiko dongode uarango dakchakna amja, indiba namgija kamrangko atchiate uarango dongkamna aro uamaangni bitipko dakna anchingni ka'tongko on'ode uan anchingni namgija ong'a. Anchingni jaksiko diabolna on'ode jakgimikkon rimkepe janggi aro gisikko jringjrotni norokona salanga. Unigimin Isolni anchingna chikjrimgipa mikrakatania, dambeni skanirangoniko gelchina aro papko telajachina ong'a. Chegipa, Jokatgipa Jisuona katbo. Ia noksao degalchi ka'tongo su'enganiko nika, uan kristian ongaoniko warachakgipa aro kadingstekaniko mangsonga. Uamaangni tolgipa srechi aro kadingstekani kuchilchi uama'ang kristianrangni ka'tongko sue pari dakata—ettek ka'a jean grugimin ka'tong nampilna amja. Ua Isolna bate manderangna kenbata aro mandeni agangni aro dakgnina kene Isoloni chelange manderangnisa nokkol ongbaskaa. Kao nangani aro namgija bewalan antangtango dukni aro jajrengani somoeo mesoka. Namgijagipa, mikbugipa chipu gipinrangni chusokgipa aro namrorogipa ongba'on, simsakjaengmittingo ua uona mallua aro ontisamang cholko onahaode mitchiani aro gaora de'aniona dogako o'a.

Gitel Jisuni mikrakataniko simsakjaode, anchingni katongona malunara tangkana kasaanian altuabea, jeko Gitel agan'a: "Nasim ang dakmajoao napjanagita mikrakbo aro bi'bo." (Mati 26:41). "Antangko chadengenga ine chanchigipa, gaakjanagita gisik rakchina." (1 Kor 10:12). Diabolni budi dakanirangni mikkango chadengna amnagita Isolni pillak tarianirangko ganna nanga. (Eph. 6:11-18).

7. REPILANGGIMIN BA KA'TONG RAKATGIPA MANDENI KA'TONG


Ia noksao katpillangimin (papona ba namaoni namgijaona, ba kristian ongaoni songsarekona) mandeni katongko mesoka. Ua changsao sengaona katnapahachim aro salgisakni boksisko chatote Rongtalgipa Gisikni rengsiko manpagipa onгахachim, indiba ga'akaha.

Ian gisik piltaegijagipani obostakoba paraka. Nama kattako ua knahaoba, indiba beberajae ga'akaha. Mande, jean Isolni molmolbeoba ka'tongko rakata, ua onggamaegipa kamrangko antangan ongatoba batesa namjabatrorogen.

Katpilgipa mandeni gimin Jisu indine agan'a, "Marang gnanggipa gisik mandeoni onkatmanoa, ua chigrini biaprango roe nengtakaniko am'a, aro manjae ina, Anga angni onkatbagimin nokona repilgen. Aro rebae uko itrokgimin aro tarigiminko nika. Unon ua reange antangna bate namgijagipa gipin gisik saksniko rimbitbae, uamaang uano nape dongkama; uon skangna bate ua mandeni jamangipa namjabata." (Luk 11:24-26). "Aganrongagita uama'angna ongaha. Achak antangni weakgalaona aro augimin wak adubeko turomromaona repila." (2 Pitor 2:22).

Sastrorango repilanggimin ba gisik pilgijagipa mandeni gimin rongtalbee talata. Pap pillak uni tolnapaniraugchi ka'tongo donge sason kataena rebataeaha. Rongtalgipa Gisik, Sontolgipa paroa uni ka'tongko da'o watna nangaha, maina Pap baksa Rongtalgipa Gisik dongbrinna manja. Isolni Torom Nokdring ongn aro somoesao satanni dongram nokdring ongn amja. Sagre, Isolni Katta, kratchae aro duk ongbee watna nangaha, indiba branggipa depantegita gisik piltaenaba donga ine ka'donge nipilangenga. "Ua wakni cha'ani bikaprangchi okkana sikbeachim, indiba pillakba una onjaha. Indiba ua gisikrapile inaha, O apa, anga salgina, aro nangni nikanio papko dakaha; nangni depante ine

mingkuna kraja; nangni tangka ragipa nokkol saksagita angko dakbo.” (Luk 15:18). Pagipa uni gisik pilgipa depanteko kema kae katchae dongtaena onaha.




la noksani ka'tongo iarangni chinrang dongja-kaket gisik pil'ani, Isolona pil'ani, Jisuni ja'ao kema ka'aniko am'ani. Uni ui'ania dinggipa sil ba gosurani kamoba saknaani dongjagita onga. Uo nachil gngangoba, indiba Jisuni molmolani kuraugko knaja. Uo mikronrang gngangoba, indiba sambao kuangenggipa norokni tubegipa akolko nikja. Ua papko kachaoba kratchaja. Satan uni ka'tongo nape Isolni torom nokdringko an'angni singhason dake raja ine uo a'songe sason kaa. Bokako repidapgimin goprangita, jeo. "Sigiminrangni grengang aro pillak moelan gapachim." (Mati 23:27). Nikrangra kamrango toromi dakmikkue gaora dekunaba gngang.

Tolarangni pagipa Bebeni Gisikni biapo dongskaa. Matburung manganti, pap minganti dingtangmancha namgija aro rongtalgija gisik uni ka'tongo donga. Namgija kenbegnirangoni ua antangko jokatua skoba, uarang uko changdula. "Moseni niamko galgipa ba mitchigipa

sakgni ba sakgitamni saki onnachi kasachakanigri sia. Indide Isolni Depanteko gabelbele jechi ua rongtalatako mannaha ua anchiko marang nike, kasara Gisikna chonnikaniko dakgipa, maikai bate sastiko man'akraanikgen ine nasimang chanchia?" (Ibri 10:28,29; 2 Pit. 2:1-14).

la noksaogita nangni ka'tongni kam ongama, kasara ripeng, bakkaban Isol nangni ka'tong tuaoni grapbo. Ua anchingko jokot na ama aro anchingni pillak paprangko kema kana ska aro ama, iana kakket gisik pillani gisik nango dongna nanga. Na'a Uni indake dakaniko namnikode diabol aro uni andalan sipae ba sagrerangko kae nangni ka'tongoniko Ua rikalatna am'a. Saksa konchi chagipagita Jisuona rebae inbo, "Na'a namnikode, Na'a rongtalatna ama." Jisu aganchakaha, "Anga ska, rongtalbo." (Mark 1:40,41). Indiba nangni ka'tongko rakatkuode aro seng'ana bate andalaniko namnikode mamung dakchakani dongja, maina na'a janggini pal sianiko namnikaha—"maina papni dormaha sia ong'a." (Rom. 6:23).

8. PAPINI SASTI




la noksa ru'utgipa ba ka'tong rakgipa namgijagipa papini 'si'ani bimang' naaniko nik'a, uni bimang saknabeani aro sianina kennanian gapaeachim. Siani (been bikrok) kadongsoani, ui'sogijani ba simsakjamittingo mandeona sokbaa. Papchi togie ansenganirang batangaha, chuaoni saknabeani, 'siani papni dormaha' iako man'a nangaha. Uama'angni duk noroko sitengtoanian jakwat jaha. Unon ua bi'na sikbeoba indiba ua manja, maina Isol uni chonnigimin ba mitchi gimin ongaha. Skangni Uni ripengrang Uni sambao chadengnamangba pajaha aro ongramaegipa uni ripengrangni naljokani kat'arangba naljokatna amjaha. Uni indin namgija man'e cha'ani gamrang uni janggiko tangbangroatna, ba uni janggiko jokatna, ba janggin saknaanoniko olgrokatna amja. Ua antangko Isolna onkangna amja ine nik'a, maina diabol una iako dakna cholko onjaha.

Pillakon, changao jena Ua kasaaha aro uon dongkama uko kadingsteka aro uni bebe onggijanichi, aro Isolni kasaaniko mitchianigimin dakchakna amja. Ua iako ui'na abachenga je, "Tanggipa Isolni jako gaakania kenbeani onga." (Ibri 10:31). Changsao ua Isolo Uni katta ko aganna ka'dongachim, indiba ua da'o jamanchakdugae nik'a. Hajalni hajal manderang rangsan Isolko am'anio cholko mangija si'a. Unigimin man'a ammitting salrango Isolko am'na nanga. Isolni naljokani ba jokani kattarangko knachakanipal, sinasienggipa papirang nama'angni janggi tangmittingo Isolni kasaaniko jechakaha.

Ua jeko jechakaha, uni Bichal Kagipa, Jokatgipani kurangko knachakbo, maina agana, "O nasimang sao mangiparang, Diabol aro uni sagerangna daksoa jringjrotni wa'alona angoni reangbo." (Mati 25:41). "Manderang changsao sichina aro uni jamano wa'alko donnaha." (Ibri 9:27).

9. CHEGIPA KA'TONG



Ia noksa'o wa'algita chingchagipa majoanirang aro nina dakanirangko chakchike dongna amgipa aro chegipa saksa kristianko mesoka. Ua pillakchin dakmajoako mannon, ua Kristo Jisuchi mangraka aro bonkamaona chakchika. Uo kristian bimungsan ongaegija, Uo jotking daka, chakchika aro jakra ba jakasichiko nija, indiba "bebera'ani nokgipa aro chusokatgipa Jisuchiko miksonge." (Ibri 12:1,2).

Satan, pillak uni sagrerang baksa beberagipani ka'tongo dongdule Isolni mandeko brangatna indinsa joton ka'enga. Gaora degipa, tangkana kasagipa, namgija cholonni isol (mite), aro gipinrangkoba mesoka. Matchapengni pal ia noksao mangsa gadako anching nikskaa, maina papara anchingna dingtang dingtang bimango naa, aro antangan dingtangdingtang bimungo aro rogipa gannani ningo dongnu'a. Mikrakgipa kristian mitapgipa toromni ning'o ba seng ani sagredake pap uona sokbaon

nikninga, maina Isolni Kat'a aro Bebeni Gisik uko bebe onganiona dil'a. Saksa mande chu glas sako jaksamsao ra'bite ua kristianko dule chroka, ian agilsakni kusinirangchi majona joton ka'a. Indiba ian onkanggimin kristianna mamung ongja, maina ua kristochi papna aro agilsakna datkapako man'aha.

Gnigipa mande ia noksao ua kristianko degalchi su'enga Namgija agannani, mitdakani, kadingstekani aro Isolni bobilrangchi kenjagokatania kakket beberagipa mandeni ka'tongko su'a. Indiba Isol jeko agannaha unasan Ua simsaka. Ua Jisuni kattarang ko gisik ra'a, "Nasimang ansenga, jensalo manderang angni a'sel nasimangko intekgen, aro arikgen, aro tol'e mamanti namgijako agangen. Nasimang katchabo, aro kasrokbo, maina salgio nasimangni mangni bang'a." (Mati 5:11,12).

Pap aro diabol pangnan uamaangni amagita kristianko Isolni kasaoniko maekatna tikkelenga. Indiba ua katchaa, ka'donga aro beberaangap'e ua agana, "Kristoni kasaoniko sawa ekatgen? duk, ba saknaa, ba arika, ba karap, ba nagandea, ba gimagni, ba tonualma?" (Rom. 8:35). "Anchingna kasagipachi ia pillakon anching badee am'a." (Rom 8:37). Isolni pillak tarianirangko gan'e ua namgija salo chadengna aro Jisu Kristochi dakmajoaniko chena ama; jean pillak nina dakanirang aro majoanirangko che'aha, je Uchi anching chena amgipa ongate rasongni mukutko man'a.

Uni gisikni ASKI rongtala aro teng'a. Uni ka'tong bebe aro Rongtalgipa Gisikan gap'a. Sagre, Isolni Kat'a jechi anching che'a. "Chegipana anga Isolni namgipa bario donggipa boljanggioniko chachina ongen." "Amgipa changni siani saknaako manjawa." "Amgipana anga dongnua mannaako ongen, aro anga una ro'ong gipok dotsa aro jeko ragipana agre darangba ui'ja ua roongo segimin gital bimungko ongen." "Amgipana, aro bonkamaonakingking angni kamrangko rakigipana, anga jatrangni bosako bil ongen." "Amgipako indaken ba'ra bokako chinnatgen; aro anga janggini kitaponiko uni bimungko mamung dakeba ipakjawa, aro anga angni Pagipani mikkango, aro uni sagrerangni mikkango, uni bimungko kurachakgen." "Anga amgipako Isolni nokdringni krong dakgen, aro ua unoni onkatjawa." "Amgipana angni singhasono ang baksa asongchina anga ongen." (Parape a 2:7,11,17,26; 3:5,12,21). larango anching cheani ba amanina kadongbee krengani aro uarangko gisik ra ate chena sikbeani ong'a.

O'KOGIMIN TANGKANI BEG, ian uni ka'tongkosan mesokja, indiba uni tangkako Isolna onkanganikoba mesoka. Ua gamko rusi'anipal kangalangna on'e dakchaksa'a—bakchikungni baksako aro Isolna gnang gimikkomangba Uni rasongna jakkalgnina on'a.

PITANI RUTI ARO NATOK rongtalao name janggi tanganiko mesoka. Ua chu ringachi ba anchiko cha'achi, ba jean gitok rimeka, ba rongtalgija cha'anichi antangko marang nangatja Ua uni tangkako rusija ba uni be'en (jean Isolni torom nokdring) ko gu'e cha'anichi ba sada ringa nichu, ba samrangko jakkalanichi, ba bisi onggipa samrangko ringanichi marang nangatja, indiba be'enna ansenggnigipa, rongtalgipa, su ugipa cha'anirangko cha'a. Uni ka'tong biram nok ong'baaha. Ua pillak a'sel rang ongoba. (bilsikarichi ba maiba obostachi) giljachi pangnan aro krae re'ronga. Ua bi'ram nokoba ongchong, bang'ani prear mittingoba ongchong, nokgimikni ba nokdangni bi'anioba ongchong ba kuturitungoba ongchong pangnan bi'aniko namnik'a, maina ua ui'a je Isol baksa nangrime bi'jaode tangna amja.

BADALENGGIPA KI'TAPARA una badalgipa sastro ba baibelko mangsonga maina ua salantin porae gisik seng'ani aro bilrakani, janggi tangani, O'e, agansokpilgija gamrangko uoniko man'a am'a. Ian jechi ua bobilrangko dakgrike chea uni ja'ana lem (chaki) aro tonual ong'a. Ian salanti uni janggina gisikni cha'ani aro ringanichi, antangko rongtalatna amgipa auram, aro antangko nikna mangipa janera ong'a.

Ua chisolko de'na namnika, maina chisolongjaode mukut ba rasong dongja ine ua ma'sia. Gital janggi tanggnina Kristochi ua chakatpilat ako man'aha ine uie niggijagipa kosakni kamrangko am'a. Ua Isolko grongna tarianiko man'aha, aro karitango bang'e biteko nanggipa chijimgipa a'ao chagipa bolgita aro bang'e biteko nanggipa draka chongmot buduni cheksigita ong'a. Ua sianina kenja, maina chongmotgip'a Isoloni Kasaachi Rongtalgipa Gisikan Uni ka'tongo gap'achi manso'aha.

10. RA'SONG CHAE SONGCHI (SALGIO) RE'ENGA

Jisu agana, "Angan chakatpila aro janggi, anggo beberagipa sioba tanggen; aro pillak janggi tange anggo beberagipa jringjrotnaba sijawa." "Angni kat'ako knae angko watatgipako beberagipan jringjrotni janggiko man'aha, aro bichal ka'aona rebaja, indiba siaoni janggiona bataha." (Johan 5:24). "Jensalo ia gimagnigipa gimagijaniko gan'a aro ia signi sigijaniko gangen, uon ia segimin kat'a ongen, chongmotan Amao siako minokaha. O sia nangni ama bao? Sia nangni beri bao? Siani beri pap; aro papni bil niam ong'a. Indiba anchingni Gitel Jisu Kristochi anchingko amatgipa Isolna mitela ongchina." (1 Kor. 15:54-57).

Isol baksa rerurae dongkamgipa mande sianina kenja. Siani uona sokbagenoba ua katchaa, jekae Watata Paul agana, "Reange Kristo baksa dongrimna ska gnang; maina ua namen nambata." (Phillip. 1:23).

Kristianrang uamaangna sichakgipa aro chisolo uama'angko piokgipa Jisuni mikkangko nikna ska. Rongtalgipa Gisikba Jisuni Kat'arangko gisik ra'ata, "Nasimangni ka'tongko jajrengatjachina Isolo bebera'bo, angoba bebera'bo. Apani noko dongani biap banga.... Anga rebapile nasimangko antangona rimanggen, maikai jeo anga donga nasimangba uon dongna mangen." (Johan 14:1-4). "Jerangko mikron nikjaha, aro nachikol knajaha, aro mandeni ka'tongo napjaha, je jeko Isol antangna kasagiparangna daksoaha." (1 Kor. 2:9). Anchingni Gitel Jisu Kristomu reruragiparangna tariso gimim rasongni biaprangko talatna darangni kusikba dongja.



Ia bonkamgipa noksao kenbegnigipa sigimin be'en bikrokko nikanipal Isolni Sagreko nikska'a. Ua kakket onggipani janggiko Isolona ra'angna sengenga. Janggi aro gisik siaoniko jokata, aro jean Uni janggina kasaa uni kabakona o'enggipa salgini dogagita meraangenga, jena ua a'ao tangaha aro siaha. Katchae rimchaksoani Isolni mikkango una sengsoa, jeo ua uni Gitel aro Nokgipa ia kat'arangchi salam kasoa, "Name dak'aha, nama aro bebegipa nokol; nangni Gitelni katchao napebo." (Mati 25:21). Satan uni kosako bil dongchajaha, maina "Jihovani nikanio Uni rongtalgiparangni sia aro gamchata." (Git 116:15). "Aro salgioni indine kurangko knaaha, Sebo, Da'onin Gitelo sie sigiparang kusi ong'a; o'e, Gisik agana, maikai uama'ang kamtangoni nengtakna mangen; main uama'angni kamrang uama'angbaksa re'angpa'a." (Parapea 14:13).

BONKAMGIPA SKIANI

Kasara iako poraegipa, Isol nangni gisikko una ka'tongko onkangna dakchakchina, jean nangna kasara, maina ua ia kat'arangko agane molmola, "Angde nangni ka'tongko angna on'bo." (Toe Skia 23:26). Nangni jime jajrenga aro skimaniko Jisuo galbekbo, uon Ua nangna gital ka'tongko ongen. Na'a Uni skako jarikna nangni ka'tongko tolpinnapnabe, maina, "Ka'tongtangna kadonggipa gisik senggijagipa ong'a, indiba gisik gnange regipa uan jokatako mangen." (Toe Skia 28:26). Nangni papko gale bebeo magapbo, "Maina papni dormaha sia, indiba Isolni kasa'e onnaniara anchingni Gitel, Kristo Jisuo jringjrotni janggi ong'a." (Rom. 6:23).

Ano na'a jean nangni janggiko Isolna on'aha, "namgipa kat'arangko, bebeo aro kasa'o jean Kristo Jisu ong'a kekket rimsobo, "maina ia apsanni gimin Paul (2 Tim. 1:12) – o agana, "Anga kratchaja, maina jeo anga bebera'aha, uko anga ui'a, aro jeko anga una on'aha, uko ua salona ua rakina ama ine anga ka'dongchongmota." Na'a antang gisiko bi'bo, Isolni kasa'ao ongbo, Jisuchiko nibo uan RAMA, BEBE aro JANGGI, anchingni Gitel antangnirangko rimchaksona rebapiltaegen – "Rajarangni raja, aro gitelrangni Gitel."

"Da'o jagitdotanirangoniko rakina, aro nasimangko kasrokao jongsik chalwenggija, antangni rasongni mikkango donna amgipa, anchingni Gitel Jisu Kristochi anchingko Jokatgipa, saksakamkam Isolna rasong aro dal'a, aro bil aro nokgipa onganipillak salrangnaskangintal, da'oba aro jringjrotnan ongchina. Amen." (Juda 1:24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacte-se para confirmação do último preço dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS
P.O. Box 2191
PRETORIA
0001
R.S.A.

A Gospel Literature Mission financed by donations

Une Mission de litterature evangelique financee de dons

Missao de literatura Evanqelica financiada por donativos

(Reg. No. 1961/001798/08)